



*Rabu, 11 Mei 2022*  
**Ogen: Esekiel 36:16-32**



*"Kubersihken Kam"*



**E**rbage-bage alat pembersih rikut ras detergen pembersih sijumpai i bas zaman gundari enda. Mulai simerga nari seh ku erga si murah meriah banci sijumpai. Intina, uga pe per melket na noda e nggo banci salih jadi bersih ntah pe mbaru ka mulihi perban alat ntah deterjen ndai. Wari enda, kita ngerana kerna noda si melket ka siibahan manusia bas kegeluhenna, eme dosa. Manusia si nggo dem alu dosa e me bangsa Israel. Esekiel iajuk Dibata guna mpersingeti bangsa Israel segelah nggit ipelimbarui.

Kata Tuhan seh man Esekiel, gelah lagu langkah ras perbahanen (ayat 16) banci ipelimbarui sebab Dibata nggo nembah ras ersura-sura ngukum bangsa e (ayat 18-19). Kinicedan pusuh Dibata e tergantiken adi bangsa Israel lepas arah si melket ndai e me dosa. Emaka idahi Dibata me bangsa Israel ndai arah Esekiel, nina "*Aku Tuhan si erdolat kempak kalak Israel*" (ayat 22), Tuhan mpeseh kataNa e segelah bangsa Israel lanai mencemarken gelar Dibata bas kegeluhenna ras nggit berubah ras lepas arah si melket ndai. I bas si e, niNa ka man Bangsa Israel "*kubersihkan kam*" (ayat 25) arah kerina sinedai kegeluhen Bangsa Israel. Ulihna eme, ibereken Dibata me pusuh si mbaru (ayat 26), itamakanNa pusuhNa ras iperdiatekenNa (ayat 27), iberekenNa taneh ingan tading (ayat 27-28), ikeliniNa (ayat 29), iberekenNa ulih juma (ayat 30). Uga dage ninta? Kegeluhen ta enda nggo bali bagi bangsa Israel, melket perbahan dosa. Ibereken Dibata lalap kesempatan man kita guna mpelibarui geluhta. *Tidak ada kata terlambat untuk berubah.* Dibata mbersihkan dirinta sebab kita nggit salih ku kegeluhen si mbaru. Persoalenna, nggit nge kita? Ibas kininggitenta e, Dibata erdahin kempak kegeluhen ta. Bali bagi bangsa Israel ndai, kalak si nggit lepas arah si melket ndai eme kerna dosa tentunya sidat me ulihna, mbelin pasu-pasuNa itambahkanNa man banta.